

ՀՅՈՒՐԸՆԿԱԼ ԵՐԵՎԱՆ



Հյուրընկալ քաղաքի համբավ վայելող Երևանը, լինելով Հայաստանի գլխավոր զբոսաշրջային կենտրոնը, դեռևս բավարար չափով ճանաչելի և բացահայտված չէ աշխարհի տարբեր վայրերում յուրօրինակ կոլորիտ և անկրկնելի զգացողություններ փնտրող զբոսաշրջության սիրահարների համար: Ուստի քաղաքային իշխանությունների հիմնական քայլերն այս ուղղությամբ միտված են ոչ միայն Երևանն արժանիորեն ներկայացնելուն, հանգստի ժամանակակից կենտրոններ ստեղծելուն և քաղաքային-զբոսաշրջային տարբեր միջոցառումներ ու փառատոններ կազմակերպելուն, այլև մայրաքաղաքի զբոսաշրջային քարտեզներում ուշադրության կենտրոնից դուրս մնացած մշակութային հաստատությունները ներառելուն, տեղեկատվության թարմացմանն ու ավելացմանը, միջազգային կապեր հաստատելուն: Միաժամանակ շարունակվել են զբոսաշրջային ենթակառուցվածքների արդիականացմանն ուղղված ծրագրերը:

ԶԲՈՍԱՇՐՋՈՒԹՅՈՒՆԸ ԹՎԵՐՈՎ

2017թ. հունվար-սեպտեմբեր ամիսներին Հայաստանի Հանրապետություն է ժամանել **1 172 402** զբոսաշրջիկ, որոնք առնվազն մեկ օր անցկացրել են Երևանում: Նախորդ տարվա համեմատ այս ցուցանիշն աճել է **21%-ով**:

2017թ. Երևանում գործում է **200** հյուրանոցային տնտեսության օբյեկտ, **4594** հյուրանոցային համար, **8014** ննջատեղ: Նախորդ տարվա համեմատ այս ցուցանիշն աճել է **13.5 %-ով**:

2017թ. մայրաքաղաքում բացվել է միջազգային հեղինակավոր «Accor Hotels» ցանցին պատկանող «IBIS Yerevan Center» («ԻԲԻՍ Երևան կենտրոն») հյուրանոցը:

ԻՐԱԴԱՐՁԱՅԻՆ ԶԲՈՍԱՇՐՋՈՒԹՅԱՆ ԶԱՐԳԱՑՈՒՄ

Երևանի ճանաչելիության բարձրացման և մայրաքաղաքում իրադարձային զբոսաշրջությունը զարգացնելու նպատակով Երևանի քաղաքապետարանը 2017թ. ևս կազմակերպել է արդեն ավանդական դարձած փառատոններ, ինչպես նաև աջակցել է Երևանում անցկացվող տարբեր միջոցառումների կազմակերպիչներին:



«Երևան SԱՐԱԶֆեստ»



«Երևանի գարեջրի փառատոն»



«Համով-հոտով Երևան» փառատոն



«Էրեբունի-Երևան 2799» տոնակատարություն


Yerevan.am կայքում գործում է «**Միջոցառումների օրացույց**» խորագիրը, որտեղ ներկայացվում է Երևանում անցկացվող մարզական, մշակութային և զբոսաշրջային նշանակության միջոցառումների մասին տեղեկատվություն:

ԶՐՈՍԱՇՐՋԻԿՆԵՐԻ ԵՎ ՆԱՄԱՔԱՂԱՔԱՑԻՆԵՐԻ ՏԵՂԵԿԱՏՎԱԿԱՆ ԱԶԱԿՑՈՒԹՅՈՒՆ

- ▶ Իրականացվել է «Ես եմ իմ քաղաքի զբոսավարը» կրթական-կամավորական ծրագիրը մայրաքաղաքի ապագա զբոսավարների պատրաստման նպատակով:
- ▶ Տպագրել և հյուրանոցներին, զբոսաշրջային ընկերություններին, թանգարաններին են տրամադրվել երկլեզու (ռուսերեն և անգլերեն) զբոսաշրջային քարտեզներ:
- ▶ Հեռախոսով և առցանց տեղեկատվական աջակցություն է տրամադրվել Երևան այցելող զբոսաշրջիկներին և համաքաղաքացիներին (2017թ. սպասարկվել է շուրջ 7000 մարդ):

ԶՐՈՍԱՇՐՋՈՒԹՅԱՆ ՈԼՈՐՏՈՒՄ ՄԻՋԱԶԳԱՅԻՆ ԵՎ ՄԻՋՏԱՐԱԾԱՇՐՋԱՆԱՅԻՆ ՆԱՄԱԳՈՐԾԱԿՑՈՒԹՅԱՆ ԶԱՐԳԱՑՈՒՄ

- ▶ «Սանկտ Պետերբուրգի օրերը Երևանում» և «Երևանի օրերը Սանկտ Պետերբուրգում» ծրագրերի շրջանակներում անցկացվել են կլոր սեղան-քննարկումներ, հանդիպումներ հայաստանյան և ռուսական զբոսաշրջային ինդուստրիայի ներկայացուցիչների միջև:
- ▶ Երևանի զբոսաշրջային ներուժը ներկայացվել է «Մրցունակություն տուրիզմի կայուն զարգացման համար» խորագրով միջազգային համաժողովին:
- ▶ Երևանի քաղաքապետարանի և Մարսելի տուրիզմի ու կոնգրեսի գրասենյակի միջև ստորագրվել է համագործակցության հուշագիր:
- ▶ «Երևանի օրերը Մոսկվայում» ծրագրի շրջանակում անցկացվել է Երևանի և Մոսկվայի զբոսաշրջային ներուժը ներկայացնող կոնֆերանս:



«ԵՐԵՎԱՆ ՍԻԹԻ ՏՈՒՐ» ԶԲՈՍԱՇՐՋԱՅԻՆ ԱՌԱՋԱՐԿ

«Երևան Սիթի Տուր» զբոսաշրջային առաջարկի շրջանակում 2017թ. մշակվել և իրականացվել է նաև «Գիշերային Երևան» երթուղին, որը ինչպես մեր համաքաղաքացիներին, այնպես էլ մայրաքաղաքի հյուրերին հնարավորություն է ընձեռել Երևանի տեսարժան վայրերում շրջել նաև երեկոյան ժամերին: «Երևան Սիթի Տուր» ծրագրով այս տարի ևս անցկացվել են սոցիալական բազմաթիվ ծրագրեր՝ դպրոցականների, ուսանողների, տարեցների, հաշմանդամների համար:



2017 ԹՎԱԿԱՆԻՆ «ԵՐԵՎԱՆ ՍԻԹԻ ՏՈՒՐ»
ԾՐԱԳՐԻՑ ՕԳՏՎԵԼ Է



2017 Թ. ԵՐԵՎԱՆԻ ԿԵՆՂԱՆԱԲԱՆԱԿԱՆ
ԱՅԳՈՒ ԱՅՑԵԼՈՒՆԵՐԻ ԹԻՎ



Ժամանակակից տեխնոլոգիաները զբոսաշրջության ոլորտում

Երևանի քաղաքապետարանի ենթակայության հինգ համայնքային թանգարանների և Կենդանաբանական զբոսայգու համար միջազգային izi.TRAVEL հարթակում ներդրվել է եռալեզու արտոգրիչ ծրագիրը:

Սպասարկման ոլորտի բարելավում

«Երևան Քարտ» ընկերության հետ կնքված հուշագրի շրջանակներում Հայաստան այցելած զբոսաշրջիկները հնարավորություն են ստանում միասնական տոմսով օգտվել զբոսաշրջային մի շարք ենթակառուցվածքներից, անվճար մուտք գործել քաղաքի և հարակից վայրերի 40-ից ավելի թանգարաններ, ժամանցի վայրեր, մասնակցել էքսկուրսիաների և ստանալ զեղչեր ավելի քան 150 գործընկեր կազմակերպություններում:

